



Gaaâ€™ila Islaamaa-Lakk.9.3

## Description

## Cidha-Kutaa 3ffaa

Kutaa darbe keessatti wantoota yeroo cidhaa raawwataman ilaalle turre. Guyyaan cidhaa guyyaa gammachuu misiroonni lamaan walitti dhufaniidha. Jirenya isaanii keessatti gammachuu guddaa guyyaa itti dabarsaniidha. Garuu guyyaa cidhaa kana sirnaa fi seera isaa yoo hin eegin gammachuun gara gaddaatti jijiramu dandaâ€™a. Kanaafu, namni cidhaaf qophaaâ€™u wanta gaarii hojjatamuu fi wanta badaa hojjatamu hin qabne dursee saganteessu qaba. Misiroonni (warroonni wal fuudhan) lamaan guyyaa cidharra erga oolanii booda galgala walitti dhufu. Kanaafu, yommuu walitti dhufan adeemsi hordofamu qabu ni jira. Baayâ€™een keessan dargaggoota hin fuunee fi shamarran hin heerumneedha. Yeroo fitnaan baayâ€™ate kanatti waaâ€™ee wal qunnamti dhiiraa fi dubartii haala ibiddi fedhii qabsiisuun haasawanii fitnaatti nama harkisuun wanta barbaachisu miti. Garuu namni jirenya keessatti fuudhun isaa ykn heerumuun ishii waan hin oollef naamusa walitti dhufaniin beekun dirqama. Naamusa kanniin keessaa ijoo kan taâ€™an haa ilaallu:

## **Adaba (Naamusa) Wal-Qunnamtii**

Dhiirri yeroo jalqabaatiif yommuu haadha manaa isaatti dabalamu of eeggannoo guddaa isa barbaachisa. Wanta ishii miidhu raawwachuu irraa of eegu qaba. Naamusota armaan gadii hordofuun rakkoo keessa akka isaan hin galchine taasisa:

**1-Haadha warraatti yommuu dabalamuu ykn waliin wal qunnamtii raawwatu duâ€™aayi armaan gadi gochuu.**

Bismillah, Allahumma jannibna-sheyxaana wa jannibi-sheyxaana maa razaqtanaa

**Hiika Jechootaa:** Bismillah-maqaan Rabbiitiin, Allahumma-Yaa Rabbii, jannibna-nu tiaksi, jannibi-eegi, maa-wanta, razaqtanaa-nuuf kennite

Hiika himaa: **Maqaa Rabbiitiin [jalqaba], Yaa Rabbii!** Sheyxaana irraa nu tiaksi. Wanta nuuf

kennitu irraas sheyxaana eegi.â€ Sahih Muslim 1434, Sahih Al-Bukhaari 6388

Sababni duâ€™aayin kuni akka godhamu ajajameef, namni dhugaan amanee duâ€™aayi tana yoo godhe, sheyxaanni ilma isaa hin miidhu. Namni hundu ilma gaarii fi qajeeala barbaada. Ilmi akka jallatu fi nama baddaa akka taâ€™uu sababa taasisu keessaa tokko sheyxaana. Kanaafu, duâ€™aayi tana gochuun ilmi sheyxaana irraa akka tiikfamu carraaqun ni dandaâ€™ama. Dhugumatti haati Mariyamakkana jechuun duâ€™aayi akka goote Qurâ€™aanni nuuf hima:

﴿٢٣﴾ إِنِّي سَمِّيْتُهَا مَرْيَمَ وَإِنِّي أُعِيدُهَا بِكَ وَذُرِّيْتَهَا مِنَ الشَّيْطَانِ الْرَّجِيمِ

Ani â€œMariyamâ€ jechuun maqaa baasef. Ani sheyxaana abaarrame irraa ishii fi sanyii ishii Siinan tiiksa.â€ Suuratu Aali-Imraan 3:36

Kana jechuun yaa Rabbii! Mariyamii fi sanyii ishii sheyxaana abaarrame irraa tiaksi. Rabbiinis duâ€™aayi ishii irraa qeetalun Mariyamii fi ilma ishii lisa sheyxaana irraa ni tiikse. Isaan lamaan gabroota Rabbii gaggaa ruran. Kanaafu, namni sanyiin isaa sanyii gaarii akka taatuf hawwu duâ€™aayi gochu qaba.

**2-Dhiirri haadha warraa isaa waliin kan wal-qunnamu gara qaama hormaataatiin. Karaa taaâ€™atiin qunnamuun haraamaa fi badii guddaadha.**

**3-Yeroo haati warraa heeydi (laguu) qabaattu, ishii waliin wal qunnamtii saalaa raawwachuu haraamaa fi badii guddaadha.** Garuu wal-qunnamtii saalaatiin ala ishii waliin wanta bira raawwachuu dandaâ€™a. Qurâ€™aana keessatti:

وَسَأَلُوكُ عَنِ الْمَحِيطِ قُلْ هُوَ أَذَى فَأَعْزِلُوا النِّسَاءَ فِي  
الْمَحِيطِ وَلَا نَقْرُبُهُنَّ حَتَّى يَطْهُرُنَّ فَإِذَا تَطَهَّرْنَ فَأُتُوهُنَّ مِنْ  
حَيْثُ أَرَكُمُ اللَّهُ إِنَّ اللَّهَ يُحِبُّ الْتَّوَبِينَ وَيُحِبُّ الْمُتَطَهِّرِينَ

â€œDhiiga laguu (heydi) irraas si gaafatu. Jedhi,â€œInni azaadha (rakkisaadha), kanaafu yeroo laguu dubartoota irraa fagaadhaa.â€ Hanga isaan qulqullaaâ€™anitti isaanitti hin dhiyaatin. Yeroo isaan of qulqulleessan, gara Rabbiin isin ajajeen isaan bira dhaqaa. Dhugumatti, Rabbiin warra baayâ€™isanii tawbatanii fi of-qulqulleessan ni jaallata.â€ Suuratu Al-Baqarah 2:222

Warri Jaahiliyyah, Yahuudaa fi majuusaan dubartiin yommuu heeydi (laguu) argitu, ishii waliin mana tokko keessa hin jiraatan, ishii waliin hin nyaatan, hin dhugan. Inuma hanga ammaattu, biyya Nepaal jedhamtu keessatti, warrooni amanti Hindu hordofan dubartii yommuu heeydi argitu manaa baasun

waxxee xiqqoo keessa akka jiraattu taasisu. Kuni cunqursaadha. Faallaa kanaa, namoonni yeroo laguu dubartii waliin wal qunnamti raawwatan ni jiru. Kuni immoo dubartii miidhudha. Kanaafu, Islaamni karaa madaallamaa hordofuun yeroo heeydi walitti dhufeeyna dubartii waliin qaban naamusa lafa kaaâ€™e.

**â€œHeydiin azaadha (rakkisaadha), kanaafu yeroo laguu dubartoota irraa fagaadhaa.â€** Yeroo heydii dubartoota irraa fagaadhaâ€ yommuu jedhu â€œemana keessatti waliin hin jiraatina, waliin hin nyaatinaa, hin dhuginaâ€ jechuu miti. Kana irra, iddo dhiigni heeydi dhangalaâ€™u irraa fagaadhaa. Sunis qaama wal-hormaatati. Wal-qunnamti saalaa hin raawwatinii malee ishii waliin wanta biraa raawwachun ni dandaâ€™ama. (Ilaali [Sunan ibn Maajah 644](#)) Yeroo heeydi wal-qunnamti saalaa irraa kan fagaatan hanga dhiigni addaan cituu fi dubartiin nafa dhiqachuun of qulqulleessituudha. Dhiigni laguu erga addaan citee qaama dhiqachuun yoo ishiin of qulqulleessite, ishii waliin abbaan manaa fedhii fooni raawwachuu ni dandaâ€™a.

Gaafin akkana jedhu kaâ€™uu dandaâ€™a: â€œOsoo halkan cidhaa dhiigni heeydi (laguu) dhufee akkam godhan?â€ Deebiin isaa, yeroo kanatti wal qunnamuun haraama waan taâ€™eef abbaan manaa filannoo kanniin qaba. 1ffa- obsuu kan dandaâ€™u yoo taâ€™ee ishii waliin jiraachu dandaâ€™a. 2ffa- Obsuu kan hin dandeenye yoo taâ€™e, ishii gara mana warraatti deebisuun hanga heeydi irraa qulqullooftu eegu qaba. Ishiinis yoo heeydin itti dhufe, â€œUzrii qabaâ€ jechuun dubbachuu qabdi. Boodarra kan miidhamu ishii fi abbaa warraa ishii waan taâ€™eef. Yeroo heeydi dubartii waliin wal-qunnamti saalaa raawwachuun dhibee fi rakkoo addaa akka fidu ogeeyyin fayyaa ni mirkaneessu. Kanaafu, akkuma Qurâ€™aanni itti ajaje, wal qunnamti saalaa raawwachu irraa fagaachu barbaachisa.

**4-Namni wal-qunnamti haadha warraa waliin yoo raawwate, isaa fi ishiin Junuba taâ€™u.** Namni junuba yoo taâ€™e immoo nafa (qaama) guutuu dhiqachuun isarratti dirqama. Namni karaa lamaan junuba taâ€™a. **1ffa-**osoo taphatanuu ykn waaâ€™ee fedhii yaadanu ykn osoo rafuu dhangalaâ€™oo saalaa (maniyyii) dhangalaasu. Yoo maniyyi arge nafa dhiqachuun isarra jira. Garuu yoo maniyyi hin argin nafa dhiqachuun isarratti dirqamaa miti. **2ffa-** wal-qunnamti saalaa raawwachu. Wal-qunnamti yommuu raawwatu, maniyyii dhangalaase dhiise, nafa guutuu dhiqachuun isarratti/ishii irratti dirqama. Yoo bishaan hin jiraatin maal godhanii? Deebiin isaa: Taymuuma gochuudha. Taymuuma gochuuf jalqaba akkuma nafa dhiqachuuf niyyatan ni niyyatu. Ergasii Bismillah jechuun ganaa harka lamaanii biyyee qulqulluu irratti gadi qaban. Ergasii fuula fi harka isaa lamaan hanga hidhanna saâ€™aati (wrist) ni haaxawa. San booda ni salaata. Garuu yommuu bishaan argamuu nafa guutuu dhiqachuun barbaachisaadha.

**5-Yeroo fedhii foonii raawwatan abbaa warraa fi haati warraa iccitii isaanii baasun garmalee kan dhoowwameedha.** Abbaa warraa fi haati warraa iccitii fuudhaa heeruma eegu qabu. Iccitin kuni gola ciisichaati akka hin baane hanga taâ€™utti. Ergamaan Rabbii (SAW) akkana jedhan: â€œGuyyaa Qiyaamaa namni Rabbiin biratti sadarkaan badaa (gadi buâ€™aa) taâ€™e nama niiti isaatti dhufee ishiullen itti dhufte (kana jechuun wal-qunnamti raawwatanii) ergasii iccitii ishii ifatti baasedha.â€ ([Sahih Muslim- 1437](#)-kitaabu nikaah)

## Barii Cidhaa

Wantoonni armaan olii wantoota halkan cidhaa raawwatamaniidha. Halkan kuni darbee bariin (ganamni) yoo dhufe, namoonni akka aadaatti wanta garagaraa hojjatu. Aadaa tokko tokko biratti â€œDhofsiisaaâ€ jechuun maallaqa walitti qabu. Kuni kennaa namni barbaade namoota wal fuudhaniif kennu malee akka dirqamaatti ilaallamu hin qabu. â€œYeroo cidha kiyyaa namni suni kennaa naaf hin kennineâ€ jechuun walitti mufachuun hin barbaachisu.

Barii cidhaa namoonni wal fuudhan firoota ziyaarun (daawwachuu) gammachuu ofii ibsachuu ni dandaâ€™u. Garuu gara wantoota fokkuu deemun jirenyaa ofii balleessu hin qaban.

### **Jiâ€™a Dammaa (Honeymoon)**

Akkuma yeroon darbuun dhaloonni wanta badaa fidaa fi Musli moonni kuffaara akkeessaa adeemu. Cidhni erga xumuramee booda barii san abbaan manaa fi haati manaa haarawa wal fuudhan, ni bashannana jechuun iddo addaa itti raawwatamu deemu. Fakkeenyaf, iddo dhiiraa fi dubartiin walitti makaman, maddii galaanaa namoonni qullaa itti yaaâ€™an, mana nyaataa alkooli fi wanti badaan addaa itti raawwatamu fi kkf deemu. Kunniin hundi kuffaara akkeessu waan taâ€™eef irraa fagaachun barbaachisadha. Bashannanaaf bakka badii deemu irra bakka gaarii deemun isaaniif wayya. Fakkeenyaf, firoota ziyaaru, yoo dandaâ€™an umraa gochuu.

Ammas wanta badaa yeroo cidhaa raawwatamu keessaa tokko salaata dhiisudha. Inni/ishiin misirroota ofiin jechuun salaata dhiisu. Yeroo gammachuu fi gaddaa salaata dhiisun wanta Musliima irraa eeggamu miti. Guyyaan cidhaa guyyaa Goftaa ofii itti galateefatan taâ€™uu qabaa malee guyyaa Isarraa itti fagaatan taâ€™uu qabaa?

### **Guduunfaa**

â˜Jirenyaa keessatti carraa gammachuun itti argatan keessaa tokko guyyaa cidhaati. Gammachuun kunis guyyaa cidhaa kan argamuu wanta gaarii yoo hojjatanii fi wanta badaa irraa yoo dheessaniidha.

â˜Guyyaa cidhaa malee guyyaa biraa jirenyaa keessatti gammachuun hin jiru jechuun qabeenya qisaasessun wanta aaqila (nama sammuu qabu) irraa eeggamu miti.

â˜Sababni isaas, guyyaa fi gammachuun kuni ni darba. Garuu qabeenya yommuu qisaasessu rakkoo waliin hafa. Namoonni isarraa nyaataa fi jajaa turan rakkoo isaa quba hin qaban. Kanaafu yeroo cidhaa madaala eeggachu barbaachisa.

â˜Osoo hin qisaasessinii fi hin doyâ€™oomin hanga humni namaa dandaâ€™een cidha qopheessun adeemsa nama qoruuteti.

â˜Halkan cidhaa namoonni wal fuudhan haarofti naamusa hordofuu qabantu jira. Isaan keessaa:

â˜Yommuu abbaan warraa gara haadha warraa haarawaatti dhufu suuta jechuu fi duâ€™aayi gochuu.

â˜Wal-qunnamti kan raawwatan karaa qaama hormaatatiin qofa taâ€™uu.

â˜Yoo ishiin heeydi (laguu) qabaatte, wal-qunnamti saalaa raawwachuu irraa fagaachu.

â˜Wal-qunnamti kan raawwatan yoo taâ€™an, isaan lamaanu nafa guutuu dhiqachuu. Yoo bishaan dhabame taymuma gochuu dandaâ€™u. Garuu yeroo bishaan dhufu nafa guutuu dhiqatu. (Ilaali Sahih Al-Bukhaari 348, sahiih Al-Bukhaari 344)

â˜ Yeroo wal qunnamtii raawwatan, iccitii yeroo ciisichaa ifa baasu fi namatti odeessu hin qaban.

### **Kitaabban Wabii**

Sahih Fiqhu Sunnah -Jiildi 3, fuula 187-189, Abu Maalik

Quest for Love and Mercy Fuula 137-138

### **Date Created**

---

February 1, 2019

**Author**

admin